



Vice-Chancellor's Office
Swyddfa'r Is-Ganghellor

Lynne Neagle AC
Cadeirydd y Pwyllgor Plant, Pobl Ifanc ac Addysg
Cynulliad Cenedlaethol Cymru
Bae Caerdydd
Caerdydd CF99 1NA

SeneddCYPE@assembly.wales

6 Awst 2018

Annwyl Ms Neagle,

Ymchwiliad i Effaith Brexit ar Addysg Bellach ac Addysg Uwch

Hoffai Prifysgol Caerdydd ddiolch i chi am y cyfle i roi tystiolaeth ychwanegol i ymchwiliad y Pwyllgor Plant, Pobl Ifanc ac Addysg ar Effaith Brexit ar Addysg Uwch ac Addysg Bellach.

Yn ystod y sesiwn tystiolaeth gyntaf ar 12 Gorffennaf 2018, fe wnaethom drafod yr effaith y gallai Brexit ei chael ar letyau Prifysgol Caerdydd a gallu'r Brifysgol i gynnal cynadleddau rhyngwladol. Fel rhan o'r drafodaeth honno nodais fy mod yn bwriadu ysgrifennu atoch gyda manylion ychwanegol am letyau. I'r perwyl hwnnw, mae'n bleser gennyf gyflwyno'r wybodaeth ganlynol i'r Pwyllgor.

Mae gan Brifysgol Caerdydd bolisi o warantu llety i bawb sydd wedi cael cynnig 'cadarn' neu 'yswiriann' ar gyfer blwyddyn gyntaf eu hastudiaethau. Gan ddibynnu ar faint o le sydd ar gael, gallai rhai myfyrwyr israddedig sy'n cyrraedd drwy'r broses glirio gael gwarant o le hefyd. Mae gan Brifysgol Caerdydd bolisi hefyd o warantu llety ar gyfer ôl-raddedigion tramor ac o'r UE.

Bob mis Ionawr rydym yn adolygu nifer y lleoedd sydd eu hangen arnom i gyflawni'r polisi hwnnw ar gyfer y flwyddyn academiaidd ganlynol. Yn ystod yr adolygiad rydym yn ystyried targed recriwtio'r Brifysgol a'r galw a ragwelir ar gyfer lletyau'r Brifysgol yn seiliedig ar sesiynau blaenorol.

Yna, rydym yn parhau i fonitro'r sefyllfa o fis Ionawr i fis Medi yn unol ag unrhyw newidiadau. Os yw'r cyfrifiadau'n dangos nad oes gennym ddigon o ystafelloedd ar gyfer myfyrwyr sydd â gwarant o le yn un o breswylfeydd y Brifysgol, rydym yn caffael llety yn y sector preifat i lenwi'r bwlch.

Cardiff University

Room 0.45, Main Building
Park Place
Cardiff
CF10 3AT, Wales, UK

Tel +44(0)29 2087 0219
Email deLeeuwN@cardiff.ac.uk

www.cardiff.ac.uk

Prysgol Caerdydd

Ystafell 0.45, Prif Adeilad
Plas y Parc
Caerdydd
CF10 3AT, Cymru, DU

Ffôn +44(0)29 2087 0219
E-bost deLeeuwN@caerdydd.ac.uk

www.caerdydd.ac.uk



THE QUEEN'S
ANNIVERSARY PRIZES
FOR HIGHER AND FURTHER EDUCATION
2015



INVESTORS
IN PEOPLE



Athena
SWAN
Silver Award



UK Quality Assured
Sicrwydd Ansawdd y DU

Registered Charity No. 1136855
Elusen Gofrestredig Rhif. 1136855

Dyma nifer y lleoedd a ddarparwyd rhwng 2013/14 a 2017/18:

- 2013/14
 - 5356 o leoedd yn lletyau'r Brifysgol
 - 221 o ystafelloedd yn y sector preifat
- 2014/15
 - 5538 o leoedd yn lletyau'r Brifysgol
 - 300 o ystafelloedd yn y sector preifat
- 2015/16
 - 5536 o leoedd yn lletyau'r Brifysgol
 - 247 o ystafelloedd yn y sector preifat
- 2016/17
 - 5536 o leoedd yn lletyau'r Brifysgol
 - 247 o ystafelloedd yn y sector preifat
- 2017/18
 - 5536 o leoedd yn lletyau'r Brifysgol
 - 395 o ystafelloedd yn y sector preifat

Nid yw'n bosibl nodi faint yn union o fyfyrwyr sydd mewn llety gan fod y sefyllfa'n newid o un flwyddyn i'r nesaf; mae sawl carfan yn dechrau yn ystod y flwyddyn academiaidd a gall myfyrwyr dynnu yn ôl, er enghraifft. Rydym yn monitro ein swydd wag yn seiliedig ar ein cyfnod preswyl safonol, sy'n cyfateb i ddyddiadau semester safonol y Brifysgol ar gyfer myfyrwyr israddedig sy'n astudio ar y Prif Gampws.

Fodd bynnag, gallwn roi'r cyfraddau meddiant cyfartalog ar gyfer y blynyddoedd academiaidd, gan gynnwys ystafelloedd ychwanegol mewn neuaddau preswyl sector preifat yr ydym wedi eu caffael bob blwyddyn.

- 98% yn 2013/14
- 97% yn 2014/15
- 98% yn 2015/16
- 97% yn 2016/17
- 93% yn 2017/18

Mae'r cyfrifiadau presennol ar gyfer 2018/19 yn dangos na fydd angen unrhyw ystafelloedd sector preifat ar Brifysgol Caerdydd i ychwanegu at ein darpariaeth lletyau.

Cysylltwch â mi ar bob cyfrif os hoffech unrhyw wybodaeth bellach am y Brifysgol a'i gweithgareddau.

Yn gywir,



Yr Athro Nora de Leeuw
Dirprwy Is-Ganghellor, Rhyngwladol ac Ewrop